

БЛАГОВѢСНИК



ПОДКАРПАТСКИЙ БАНК в УЖГОРОДЪ

ПЛОЩА МАСАРИКА 11.

ОСНОВНЫЙ КАПИТАЛ 5.000.000 К.


ФІЛІЮ МАЕ В АМЕРИЦЬ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВУ Толовна улиця (дом Мукачія) а також В ЯСЕНЮ.

ТЕЛЕФОН:

№ 47.



Чек конт. почт. щадн.

№ 2978.

ЦЕЛЬ БАНКУ:

- Матеріально и морально подпирати наш бѣдний руській народ.
- Здобыти матеріальну независимость для Подкарпатской Руси.
- Забезпечити богатство (скарбы, сокровища) Карпатов для всѣх наших Русинов.

Взагалъ заниматься буде банкъ всѣми дѣлами и вопросами, котрыми тисячами народа мож забезпечити роботу, заробок и добробыт.

Особливо заниматься буде наш банкъ: Дисконтацію вексилков, веденем бѣжучих рахунков, позичок вкладами, закупом товаров, промыслом, торговлею, господарством, поставленям фабрик и заводов.

РУСИНЫ АМЕРИКАНЦЪ УВАЖАЙТЕ!

Наш банк переведе вам найдешевше замѣну долларов, драфтов и чеков. ЗА ВКЛАДКИ НІЛАТИТЬ БАНК 4% — У всяких финансовых (грошевых), господарских вопросах, хто ся до нас оберне ОДПОВѢМЕ БЕЗПЛАТНО

ПОДКАРПАТСКІИ РУСИНЫ!

Подпирайте свой одинокій руській банк, свою власну інституцію,

Сваша слава, честь и будучность.

УПРАВА ПОДКАРПАТСКОГО БАНКА.

Число 8.

Ужгород, авгу́ста 1922.

Рочник II.

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в иѣсяць.

А Д Р Е С :
редакції и експедиції :
REDAKCIA „VLAHOVISTNIK“
Užhorod, Kapitulska, 3.

ПРЕДПЛАТА :

на рок 10 К
одно число 1 К
За границу 15 К
До Америки 25 с (1/4 Д)

ОБЯВЛЕНИЯ
принимаються по цѣнѣ
за 1 сторону .. 120 К
за 1/2 сторону.. 75 К
за 1/4 сторону .. 50 К

РЕДАКТОР-ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :
ЕМИЛІЯН БОКШАЙ.

Школы

опять отворяться и начнеся културна робота,
начне горѣти свѣчка народної освѣтви.

Се вже на четвертий рок починає школа,
як русько-народна інституція, працювати для
поднесення културності народу.

Мы и в минувших часах много жертвовали
на школы, на свои школы, ибо державнѣ школы
не могли'сме называть своими, понеже служили
противной нам культурѣ, иproto усиливали'сме
основати и содержати наши церковнѣ школы,
в которых могли'сме сохранити наш релігійный
и народный дух.

Теперѣшній, новый вѣк для содеряння ед-
ної школы потребує больше жертв, як коли'сь,
и понеже теперѣшнѣ краевѣ школы наши слу-
жать вже нашим русько-народным интересам,
proto и упадає готовость народа нашого: жер-
твовати на свою церковну школу.

Не кажеме мы то, чтобы наш бѣдный сел-
янин свою остатню корунку от рота дѣтей сво-
их урвав и дав на то, чтобы мав свою цер-
ковну школу. Но по силѣ и теперь повинен
каждый вѣрник жертвовати на сесю цѣль. По-
винен старатися на то, чтобы школы наши були

Сторона 2.

„БЛАГОВѢСТНИК“

Рок 1922.

перенять не лиш народным духом, но и побожным, ибо ко характеру нашего народного духа принадлежить и тот благородный дух, который представляется нашим прекрасным обрядом, нашими религійними звичаями.

Если хотите, чтобы дѣти ваши были счастливѣ, тогда давайте их до школы, обы сталися просвѣщенными, но уважайте и на то, чтобы школа не лиш разум их развивала, но и сердце, чтобы любили Бога и за Бога и других людей.

Сама ученость показує лиш способы для досягнутя цѣлей, но благороднѣ цѣли назначує и охоту ко трудам подає лиш вихованое сердце, лиш скарбы честнот христіянских.

Если будем мати коло державных школ и церковнѣ, тогда религійно-народный дух сих буде подносити напрям и в державных школах, буде подавати добрий примѣр для христіянского вихованя.

Для того братя не отказуйтесь так легко от своих церковных школ, жертвуйте на нѣ, и усиливайтесь, чтобы и ко державной вашей школѣ дали вам вашего, доброго, честного побожного учителя.

Школа и церков — два важнѣйшѣ факторы вихованя, повинны параллельно дѣйствовать, една другу подперати и доповняти.

Учитесь братя мои!

В.

Не украшайте вѣроломников красною назвою: православный. Их правдивое имя, что собѣ польно заслужили: схизматик т. е. отступник. Единственно мы носиме с новым правом имя „православный,“ бо мы есме наслѣдниками св. отцов православія: Василія Великого, Аѳанасія, Св. Іоанна Златоустого и т. д. и великих славянских апостолов Кирилла и Меѳодія, котрѣ исповѣдали „православну“ вѣру, держали „греческій“ обряд и принадлежали до „каѳолической“ (соборной) церкви.

Рок 1922.

„БЛАГОВѢСТНИК“

Сторона 3.



Ученіе св. Феодора Студиты о римском папѣ.

Св. Феодор Студита жив в IX-ом столѣтїи (826.) около в тих часах, коли Фотій оторвався от вселенской Церкви и заосновав нову, шизматицку вѣру. Сей святый муж быв защитником правдивой вѣры против еретиков, за что св. Мати Церков удостоила его почитати меже святыми и опредѣлила ему день 11. нов. для празднованія его памяти.

Сей св. муж, кого и шизматицка Церков святым почитає, далеко стояв так от Фотія, як от нынѣшних шизматиков. Он быв тым св. отцом, который виедно со всѣми св. отцами знал и учив, что лиш tota есть правдива Христова Церков, в которой там есть наслѣдник св. Петра, римскій папа. Шизматики охотно отзываются на св. отцов и кажуть, что они тогу православну вѣру держать, которую св. отцы держали. Най учують также, яка tota православна вѣра, которую держав св. Феодор Студита.

1) Св. Феодор в первых учив, что наслѣдником св. Петра есть римский епископ. Года 817. пише к св. Пасхалю папѣ римскому: „Голова апостолска, от Бога поставленный пастырь стада Христа, воротник царства небесного, камънь вѣры, над которым устроена есть каѳолическа Церков, Петр еси ты, управляючій и украшаючій престол св. Петра“. ¹⁾

2) Пишучи до III. Льва папы римского признае, что управляти Церковю власть дана папам от самого Христа. „Синод — о блаженнѣйшій — котрый у нас созвався (еретиками)... есть синодом для осужденія Евангелія Христа, ключи котрого ты от самого Христа получив через князя Апостолов и его наследников“. ²⁾

3) Признав св. Феодор, что римскій папа має власть над всею Церковю Христа. Пише до папы Льва III. „Святѣйшому и головному отцу отцов Льву, господину моему и папѣ апостолскому: спаси нас архипастырь поднебесной Церкви, погибаєме“. ³⁾

Видь, сам оден святый чоловѣк „святѣйшим“ называе римского папу! Окрем сего титула часто называе папу „найвысшим свѣтилищем“, „апостолскою головою Церкви“, „першим престолом Церкви“ и т. д.

4) Ему одному припиле власть созвати соборы. До Льва пише, что еретики „не побоялисъ созвати собор, хотя они собор православный составляти не могутъ без вашего вѣдома.“ ⁴⁾

5) И як wysoko цѣнив он римску Церков, котру „до теперъ не перемогли и не переможуть до скончанія свѣта пекельнѣ силы, т. е. еретики; як пообѣдав тот, кто никогда не ошибаєся.“ Слѣдовательно въ сомнѣніи о вѣрѣ „посилати треба до Риму посольство и оттам получає ся певность о вѣрѣ.“ ⁵⁾

Но доста уже и только из слов св. Студиты. Каждый здоровомыслячій чоловѣк признае, что в часах Фотія отступника святъ люди и св. отцы Церкви правѣ так вѣровали, як мы вѣриме днесъ. Судѣть вы читателѣ, якій „православный“ быв св. Феодор Ст., такій як нынѣшнѣ шизматики, або такѣ, як мы, котрѣ вѣрно прилѣпляемеся до престола св. Петра?! Если бы днесъ встав из мертвых св. Феодор, ачей пристав бы до тых „православных“, котрѣ всякими безчестными лайками зневажають тот римскій престол, котрый он так честовав, величав и так горячо любив?!

2) Посл. I. 34.


3) Посл. I. 33.

4) Посл. I. 33.

5) Посл. II. 63.

6) Посл. II. 129.

По сих вже лиш то чудное дѣло, что и шизматики святым почитаютъ св. Феодора, и спѣваютъ на его честь: „Православія наставниче, благочестія учителю и чистоты, вселенныя свѣтилниче...“ Хвалять и величаютъ вѣрного почитателя того, от кого они отступили; называютъ „наставником православія“ того, кто такими похвалами прославив от них так ненавидженого папу, называютъ его „учителем“, который учить их, як быти вѣрным до того римского отца, от которого они так невѣрно отступили. Та ци не комедія? Радиме вам, братя шизматики, вычеркнѣть из лика святых того „напиша“, св. Феодора, тадь ачей не будете святым чесловати и прославляти такого человѣка, кто так писав за того римского. И идѣть и дальше! Вычеркнѣть и св. Іоанна Златоустого, св. Василія, св. Николая и еще дальше вычеркнѣть из св. Евангелія слова Іисуса Христа „Ты еси Пётр“... „Паси овцы моя“... оторвѣться цѣлком от слов Іисусовых и от св. отцов, бо вы лишь тогда можете правду мати.



— Православна ци ческо-словенска вѣра? В Велеградѣ много говорилося и о ческо-словенской вѣрѣ. Предложили там, что еѣ заосновали такѣ римо-католицкѣ священики, которых закортило женитися; что она воює також террором и насильствiem, ограбляє церкви, вымѣтує католицких священиков; что организатором сей церкви есть Дозиѣй и першим епископом от Дозиѣя посвященый Горазд и на конци,

Сторона 6.

„БЛАГОВѢСТНИК“

Рок 1922

что сеся церков хотѣла бы соединити ся с сербскою шизм. церковю. Мы котрѣ на Подк. Руси видиме и переживаеме нынѣшну церковну анархію, в поступованію шизматиков самими сими средствами и особами стрѣчаеме ся. Есть и у нас насильствіе, ограбленя церквей, террор, умѣтования священиков и туй и там появляютъ ся на земли Подк. Руси и „славиѣ спископы“ Дозиѣй и Горазд и посвящаютъ нам обильно батюшок. Из сих явищ не тяжко дойти до того убѣжденія, что ческо-словенска вѣра и наша шизматицка вѣра то одно. Проводники слов. церкви явно кажуть, что они хотять составити на территоріи цѣлой Члов. републики національну церков: чехи бы держали западный обряд, а русины восточнай обряд. Хотѣвше доказати сю единство Дозиѣй в Оломуцѣ служив службу обрядом западным, на языцѣ ческом. Горазд ческій епископ посвячує батюшок для Подк. Русинов. Прага не допуштає священиков из Россіи, препяствує пришествіе духовников и из Сербіи, но удачно дозволяє дѣятельность священиков ческой народности. Но найлучшій знак сей единости то, что епископом шизматиков-русинов есть епископ чеслов. церкви, Горазд, по произхожденію чех: также шизматики-русины мают сполного епископа с ческо-словенскими.

То есть факт, который факт в будучности все явиѣшне буде ся указати. Прииде час, коли перед всѣми горожанами Подк. Руси знато буде, что „православіе“ Подк. Русинов не есть инише, як вѣра ческо-слевенска, восточного обряда. Наша повинность открыти тайнѣ цѣли нынѣшнай шизм. агитаци и еще в часу доуказати нашим заблужденым братям Русинам, что за что маютъ они отречи ся от своей отцевской вѣры и винниками быти вѣроломства.

— Новѣ средства розширенія „православной вѣры.“

В Густ—Баранѣ, в монастерѣ оо. Василіян есть чудотворный образ Пресвятой Дѣвы Маріи. От коли не можно нашим вѣрникам до Повчи ходити на одпуст, что раз большое число паломников путешествує до Хуст—Боронянского монастыря. Так было и 2-го августа сего рока на праздник св. пророка Иліи, коли на отпустѣ появило ся высше 6000 особ.

Шизматикам Марамарошким дуже не на дяку было, что в сусѣдствѣ Изы, прав. греко-каєолики в таком великом числѣ дають явный знак твердости их вѣры и в сем видѣли презрѣніе их „твердой православной“ вѣры. Всяким способом почали препятствовать успѣхи сего отпустного мѣста; на конци ъмили ся до такого дѣла, что в наибольшой мѣрѣ укаже их діяволску душу, их чорну ненависть. З-го августа вночи шизматики залѣзли через окно в монастырскую церковь, украли чудотворный образ с всѣми драгоценными вкрасами и ишѣ церковнѣ посвяченї рѣчи.

Что до сего казати? Нич! Мы знали, что шизматицка вѣра на Подк. Руси, ци скорше, ци позднѣйше мала принести такѣ плоды, як грабеж и крадеж. Тота вѣра, которой проповѣдниками суть коидаши, котѣши, гусопасы и Бог знае еще якѣ темнѣ особы, которой священики не хранять павѣть и велику пятницю, которой вѣры вѣрники вымѣтують старцев из квартиры, которой вѣры газеты брешуть, лаютъ на все что каєолическое; такой вѣры не есть чужое и крадеж и грабеж навѣть и чудотворного образа самой Пресв. Дѣви Маріи. По сих и то не чудное нам, что шизматики отровили и колодяз (керпицю) монастыря, и той ночи на 8 мѣстах запалили сѣно людей, котрѣ пошли на отпуст. Что можеме инше чекати от вѣрников той вѣры, которая розширяєся грошми, обклеветаніями, ненавистю, насилиствием, террором и ограбленіем чужого майна!

Ци може быти се Христова вѣра; ци Христос заповѣдав такими средствами разпространяти свою вѣру?! Се есть вѣра Фотія, гордого и хитрого еретика, кого діявол наяв розбити Христово стадо и котрого вѣрники и батюшки с діяволскими средствами ведуть напады против скалы Христовой Церкви.

Протестуеме против таких диких и безморальних дѣйствій шизматиков — безбожников! Протестуеме, но не до правительства, бо уже добрѣ знаеме як звики „ческѣ четники“ выслѣдити злочини шизматиков, но протестуеме до культурных народов Европы, на серединѣ которой в XX. столѣтіи могутъ случити ся такѣ дѣла. И протест наш най учуе и наш честный руській народ и пай обернє ся с найглубшим отвращеніем от вѣры той, которая с такими средствами хоче пріобрѣсти душу честных русинов.

— Из боктера — батюшка. Пишуть из Копашнього: У нас настала велика новина. Кениз Юрко став „православным“ священникомъ. Котрый Кениз? Ачей не тот, котрый еще перед воиною за корону кончив, паастасы на темной Верховинѣ и в горнятках и в олупковѣ из динѣ фтиміѧн (ладан) палив и с тым кадив? Ачей не тот, кого при одном таком паастасѣ оден разумный чоловѣк за се набив и передав жандарам, котрѣ его пак заперли в Воловом?! Ачей не тот, кто колись взордевым правосл. гр. католиком быв, водив процесіи, прочитовав и зачинав пѣснѣ и кто першій выдумав слово „кривославный“ на изянских шизматиков?! Ачей не тот, кто года 1921., 18-го сент. насильствiem одобрав церков прав. гр. католическу и быв участников смертельного грѣха святоатства?! Ачей не тот, кто богословіе (поповство) в отцевской хижѣ за кошом учився, и кого коли послали до Сербіи за шизматицким батюшкою, у два тыжди он сам вернувся в реверендѣ?! Ачей не тот, кого коли жоны увидѣли в святых ризах в церкви из жалю заплакали, бо чули его безстыднѣ бесѣды, дѣла на вечерницах, коли еще сельским боктером быв?! Ачей не тот, кто (сам ся хвалив) раз при мердови читавши псалтырь, простер мердови руку и домашних збудив, что мертвый киваesя; на что домашнѣ наяли у Юрика еще дорожшѣ молитвы?!

Ой тот. Жаль, но факт, что така особа возьме на себе ризы и смѣє ступить до олтаря и там совершати найсвятѣйшу літургію. Цѣлый свѣт смѣеся, якими особами дав сязвести честный, побожный руській народ. Мы се спишеме, и даеме знати цѣлому свѣтови, и головно тым русинам, котрѣ еще не кушали „православну“ вѣру, обы знали и видѣли яка tota „тверда“ вѣра, в которой такѣ священники суть. Правду мав тот жид, котрый одному копашанскому чоловѣкови, Лембей Петрови казав: „Петре, Петре у Копашновѣ бы поставити дом дурных.“

Рок 1922.

„БЛАГОВѢСТИК“

Сторона 9.

БЕСТЬДА.

Св. Поликарп. из Смирны.

I.

Во время гоненія христіанов, под панованьом кесаря Марка Аврелія жив св. Поликарп. Он учеником быв св. Іоанна апостола и евангелиста. И управляв церковю Смирянскою на Востодѣ. Сам св. Іоанн апостол выучовав его и оставил за епископа. Святый сю службу свою прекрасно исполняв. Научав вѣрных своих честовати видиму голову Церкви. И он сам с великим почтеніем поддавса наслѣднику св. Петра: Папѣ Римскому. В дѣлѣ святкованя праздника Пасхи с папою Анидетом (сидѣв на престолѣ папском в роках 155—166) держав договоры. Восплеменив любов ко Христу и ко его єдинственно спасительной церкви. Вѣрники радостно принимали и смерть за Христа Спасителя от поганов Римлянов. На конди и св. епископа повязали гонители и привели к судилищу.

II.

Множественно много народа дивилося на старца в годах 86. Як от снѣга бѣла Мармороска полонина (гора), бѣлѣлася голова святого Поликарпа между прочими, на суд приведенными. Пожаловав го и сам судія. Просив Поликарпа:

— „Розмилуюся над старостю твою Поликарпе. Откажися от Христа, Бога твоего; и я тя увольню.“

На что Поликарп отвѣтуе:

— „За восемдесатьшѣсть (86) лѣт служив я моего Господа и он нѣкда не уразив мене. Як бы'м годен также я теперь образити моего Царя, котрый мене откупив.“

Судія: „Жертову Фортунѣ (т. е. болвану) кесарской.“

Поликарп: „Я лиш Христови жертву, Богу моему. Я не вѣрю в кесарской Фортунѣ. Але если хочешь познакомится христіанскою наукою та послухай мене; я тя охотный выучити.“

Судія: „Измагайся выучовати народ сей, который тут смерть твою желає.“

Поликарп: „Я в первом рядѣ тебе держу за достойного на сю науку, бо мой Бог то опредѣлив, что честь и послушность треба выразити от него постановленной верхности. А народ сей, что нас обняв не есть достойный на христіанску науку.“

Судія: „Если не перемѣнишь твоєчувствіе (убѣженіе), та розкажу, чтобы тебе вергли диким звѣрям.“

Поликарп: „Як ти дяка. Менѣ радостно перейти из сей земли до вѣчного царства.“

Судія: „Ты не боишся от звѣрей? Добре, — тогды умреш у огни.“

Поликарп: „Ты страшиш мене огнем, что за одну годинку горить и потому загасне? Не знаеш ты за огнь страшного суда и вѣчной кары, что безбожных ожидае? — Что еще чекаеш? Дѣлай с мною что намѣряеш.“

ІІІ.

Св. Поликарпа за Христа на смерть осудили. Поганы скоро собрали дрова; Поликарп ступив на костер (магля). Дав повязатися. И молився: „Господи, Боже Вседержителю, Отче твоего возлюбленного сына Іисуса Христа....

Подпалили под ним дрова... А Поликарп продолжает молитву свою: „Возхваляю тя (Боже) что учинив еси мя достойным, что тепер и я годен между твоими мучениками участвовать в страдальной чаши Христа твоего. Прійми мене в угодну тебѣ жертву — так як ты сіе мнѣ обявив в снѣ.“

Дрова горѣли. Поломѣнь облизовала тѣло на костер положеннаго. Но она не мала моци, бо с чудом прославив Господь своего раба, чтобы не погорѣв. Видѣвшее се падачъ (гогер) мечом пробив св. Поликарпа. Потекла кров... покропила дрова... загасила огненну поломѣнь... встав великий дим, закрутився и съв. Послѣ нѣсколько хвилин — як одна легенда описуе — вылетѣв один бѣлый голуб из дыма: душа Поликарпа в сем видѣ вознеслася в лоно Христа. Теперь уже изгорѣв труп. Братья — Християни собрали драгоценнѣ кости Святого и сохраняли.

За нѣмецким переробив:
Крѣпковѣрій.

Рок 1922.

„БЛАГОВѢСТНИК“

Сторона 11.

ДОПИСИ.

Слава Ісусу Христу!

Высокоповажана Редакція!

Наш милый проводник „Благовѣстник“ одну велику задачу достиг на полі нравственно—просвѣтителном.

Но чтобы спасительна цѣль совершенна, была нужно бы засновати едно Братство апостолства, молебное товариство, веденное из центра Ужгорода. Як из сердця кров по цѣлому тѣлу разбѣгаєся, так се Товариство наповнило бы своими філіялками всю нашу милу Епархію и всюди бы членов гуртовало, у зацитѣ вѣры выучовало и на мірску мисію их приготавляло.

Із сими оддѣлними, но из одного средоточія диригованими—районами неизповѣдимъ успѣхи можливо бы достигнути, ибо убѣждениѣ члены так морально, як и матеріально дѣйствовали бы, розгоняючи мрак суевѣрія и невѣрія и высоко бы воздвигнули рух побожности! Мѣсячно или тижднево изыйшли бы ся на общій молебень, по молебню на сумѣстну нараду, де каждый член изповѣв бы свої думки, изкуства. Даля бы ся інструкція и поговорила бы ся обща дѣяльноть.

Всякій успѣх, радостнѣ вѣстки, или смутное положеніе дало бы ся знати центру; а центр въсомъ полезномъ информав бы свої філіялки, дав бы порады. Сим путемъ ревнителъ и ревнительки посредствовали бы между церквою и вѣрниками.

Се дѣло пекуча потреба общего спасенія народа, ибо числятися намъ треба со малючимъ числомъ священников и со убодышающимъ суевѣрствомъ безбожности. „Жата вѣлика, а дѣлателей мало“!

Сякъ достигнеся повна побѣда надъ врагомъ спасенія!

Прошу сю думку у Благовѣстнику изявити, а интересантныхъ кругов и лицъ думати надъ симъ, пополнити ю и удѣйстнити.

Ладово, 8. VIII. р. 1922.

С почтеніемъ:
Діонізій Митрович.

Сторона 12.

„БЛАГОВѢСТИК“

Рок 1922.

Слава Ісусу Христу !

Высокопреподобный Пане Редакторе !

Нижеподписанный прошу ласкаво напечатати у наш „Благовѣстник“ слѣдуюче :

Як сожалѣніем наполненный принужденный я увѣдомити всѣх наших православно вѣруючих братов и сестер, же что нарбила между нашим темним руським народом агитація вѣроломников теперѣшнього нового таک званого „православія“ !

Як знаете честнѣ братя, что уже в старом завѣтѣ учить Бог небесный и приказуе, что седмий день посвятити в Бозѣ, тогда, когда скаже: „Зане в шести днех сотвори Господь день седмий: сего ради благослови. Господи день седмий и освяти его“. Вот Братя сейчас убѣждены будете глубоко ож якій корень пустили в глубину сердца наших заблудивших братов схизматиков, слова сотворившого Господа небо и землю.

Пословиця наша стародавня говорить, что „потя по лѣрю, а чоловѣка по его дѣлах можно упознати“. В селѣ Копашнево случилося 16-го юлія с. р. на саму Божу Недѣлю, что якась Цilia Дякун, обывательница копашневска — и что больше супружница (жена) воеводы копашневских схизматиков, по св. вечерни в притомности многих наших богобойных православно вѣруючих братов, спомянута женщина, котра найлѣпше звыкла обклеветовати паших вѣрников, выйшла на поле в „Скридый“ где мала сѣна накошеного, но понеже увидѣла сѣм-там хмари небеснѣ над Липшов, забыла духом за свою „тверду“ вѣру, и ухопила вилы граблѣ и звичайно як у простий день краснењко вyzberala сїна и пасла величавѣ пластвя около 8. Та братя мои ! Ци Бог небесный сесе учить, ци Христос за тoto помер за нас, чтобы каммай величѣ пластвя можно класти на самый Божій день ? И на жаль, сякѣ и ей подобнѣ апостолы ходять между нашим руським народом и проповѣдають слово Божое и найдуться такѣ, что повѣрюють сяким изводителям „подбатюшкам“.

Братя мои не забудьте слова нашего верховного св. апостола Петра : „Трезвитеся бодростуйте, зане су постаташ діавол, яко лев рицая, ходит, искій кого поглотити“.

Копашнево, 6. августа 1922.

Крѣпковѣрый.

НОВОСТИ.

— **Бесѣда на горѣ.** (До заголовного образа) Мѳ. 5. 6.
7. Коли Іисус увидѣв народ, выйшов на гору и сѣв, а его ученики приступили до него. И он отворив свою уста, та учив их и говорив: Щастливъ убоги духом, бо их есть царство небесное. Щастливъ, котрѣ плачутъ, бо они утѣшать ся. Щастливъ лагоднѣ, бо они наслѣдять землю. Щастливъ алчущѣ и жаждущѣ справедливости, бо они насытять ся. Щастливъ милосерднѣ, бо они доступять милосердія. Щастливъ чистого сердця, бо они увидять Бога. Щастливъ миротворцѣ, бо они будуть названы сынами Божими. Щастливъ переслѣдованѣ за страведливость, бо их есть царство небесное. Щастливъ вы, коли будуть вас зневажати и переслѣдовати и говорити все злое против вас должно на мене. Радуйтесь и веселѣть ся бо заплата ваша велика на небесах, так бо переслѣдовали пророков, котрѣ были перед вами. . . .

Вы чули что сказано было давным; не забивай; кто же забѣ, стає ся винным суду. А я говорю вам, что кождый кто гнѣває ся на брата своего без причины, стає ся винным суду. Если ты также принесеш дар твой до олтаря, и там пригадаеш собѣ, что брат твой має что нибудь против тебе, застав там дар твой перед олтарем и иди вперед помири ся с твоим братом а потом прийди и принеси дар твой.

Вы чули что сказано было давним: не чужолож. А я говорю вам, что кождый, котрый попозерае на жону с пожадливостю, уже чужоложив с нею в сердцю своем. Если также правое око твое горшить тебе, вырви его и откинь от себе; лучше бо для тебе, чтобы погиб один из твоих членов, неж мало бы быти верженое все тѣло твое до пекла.

Вы чули, что сказано: люби ближнаго твоего, а ненавидь твого ворога. А я говорю вам, любѣть ворогов ваших, благословѣть тых, котрѣ вас проклинаютъ; добрѣ творѣть тим, котрѣ вас ненавидятъ, и молѣть ся за тых, котрѣ вас напастуютъ и вас переслѣдуютъ. Чтобысте были сынами Отца вашего, который есть на небесах; он бо приказуе своему сонцу свѣтити на добрых и злых, и спускае дождь на праведных и неправедных. Если

бо вы любите тых, котрѣ вас люблять, яка вам за то заплата, ци мытарѣ не так творять. А если бы поздоровляли лише друзів ваших, что особливого дѣлаете? ци не так поступаютъ и погане? Будьте вы также совершенными, як Отець ваш небесный есть совершенный. . . .

— **Всесвѣтовый з'езд Орла в Брнѣ.** Памятливѣ дни были 13 – 15 августа для города Брна. Сесь дни были головными того орелскаго всесвѣтowego конгресса, якій больше як за 2 тыжднѣ тримав. На конгресѣ орелском было 14 чужих народностей заступлено: Франція, Белгія, Америка, Англія, Швицарія, Югославія и т. д. 13-го рано в 9-ой годинѣ рушив ся провод на штацион. На штационѣ служив св. литургію нунцій Микара и проповѣдь мав митрополит оломуцкій д-р Стоян. На св. литургії было присутно высше 100 тысяч душ. 14-го были разнѣ гимнастичнѣ перегоны (запасы) о першенство. 15-ый август быв день народных уборов. На сей день зойшли ся селяне пѣши и на возах такою товпою, что провод лиш около 11-ой годинѣ скончився. (Начинався в 9-ой годинѣ). На штационѣ опять служив св. литургію нунцій в присутности 5 епископов. На сей службѣ было присутно высше 200 тысяч душ. По полудню были народом представленѣ всякѣ народнѣ звычай, забавы свадьба веснянка и т. д. Не

тяжко констатовати, что староста Орла министер Шрамек найкраснѣ дни мав в своем житю. Натурально сякій з'езд всесвѣтовый цовный быв интересными епизодами. На примѣр белгичане на площах плаучи цѣловалися из каждым на пути кто мав орелскій одзнак. Або рано не мож било добытися престола у церквах, бо премного священников служило. Або 15 -го на св. службѣ як заспѣвали всѣ присутнѣ (200 тысяч душ) примѣтив из трибуна один: „А се вѣсмо можеме дяковати нашему священству“. Штацион из трибунами коштовав 8 милюнов корон.

— **Выміенованя.** Августин Кущтан парохом и тит. намѣстником, Василій Кончай парохам и тит. намѣстником, Адалберт Дудич тит. намѣстником, Стефан Яцков намѣстником и засѣдателем конзісторіи, Иван Фирда к помощником до Грушова.

— **Упокоилися.** Николай Чома гр. каѳ. духовник в Кошиціях. Михаил Понович в Ряпеди.

— **Посвящення звонов.** 29-го

Рок 1922.

„БЛАГОВѢСТИК“

Сторона 15.

юля преосвященый епископ Антоній Папп с великим торжеством и в присутствіи премногонарода посвятив звоны гр. кає. прихода в Сечовцях. (Ж. Землинска).

— **Народна міссія в Ильниці.** На прошеніе вѣрників и роспорядженія его Преосвещ. Епископа 18—22.-го августа, т. г. отбылася в Ильниці успѣшна народна міссія. Хотя міссію духовники не выголосили, по-выше 5,000 вѣрників участвовало в плодах еї и приблизительно 600 душ соединилося с сладчайшим І. Христом послѣ сповѣди в найсвятѣшой Евхаристії. Міссионарами выслалися и совокупно 9 проповѣдей держали о. Александр Ильницкій из Ужгорода и о. Степан Пайкошій из Осуя, крем которых еще мѣстный пашох, о. Гавріил Ильницкій содѣйствовал для успѣшности св. міссії. Воистинно красно и радостно праздновалося в Ильниці Преображеніе Господне, что и из того явно, же вѣрники подали прошеніе до Епископа: св. міссію на сей праздник ежерочно повторити. Примѣр для послѣдованія!

— **Отпусти.** 19.-го августа на Цегольнѣ быв великий отпуст. Число вѣрників досяголо до 12 тисяч. В самой каєдральній церкви около

1500 особ причащалося. — 29.-го авг. в Мукачевѣ с звычайным торжеством отбывся отпуст. Людей появилось только, колько еще до теперь не было (30,000). Священики (20) за три дни постоянно сповѣдали и прищащали. Один священик, о. Павел Войтович военскій духовник от недѣли по вечерни, цѣлу ночь, до бѣлого рана понедѣлка сповѣдав в сповѣдалницѣ. И процесій было выше сто. Из Ужгорода в имени епископа на отпустѣ появився о. Петро Гебей, кто и святочну службу отслужив. Особливу похвалу заслужив около подержання порядка о. Булик монах, кому можно дяковати, что сея огромна товпа народа без всякой перешкоды могла присуствовать и исполняти свою душевнѣ потребы.

— **Велеград.** Малый город, но извѣстный на цѣлом свѣтѣ, бо там спочивають тѣлеспѣ останки великого славянского апостола св. Меѳодія. Сюда звыкли сходить ся богословы восточной и вселенской (кає.) церкви переговорювати, яким способом можно бы загоити рану розкола, (шизмы) ударену гордостю Фотія, котра на двѣ велики части роздѣлює Христову Церков. И сего року в началѣ августа держали такій

създ. Там были богословы, из Америки, Испаніи, Италіи, Югославіи, Украины, Россіи, Чехіи и. т. д. даючи сим съзу сему межинародный характер. Интереснѣ были бесѣди россійских емігрантов, котрѣ всѣ признали, что в Россіи жіе горячое желаніе соединитися с каѳ. Церковію. Сему соединенію только то есть непреноною, что восточнѣ не признаютъ Запад, и исполненѣ суть против каѳоликов ненавистію; перша тоже задача объясняти и доказати восточным, что Запад, як добра сестра относиться к ним щирою любовію и что соединеніе обоих церквей была бы дуже користна для вѣры христіянской. Бесѣдники пообѣдали, что вернувшись до Россіи охотно и всею силою будуть працювати на соединенію двох церквей. Из наших епископов там были др. Діонизій Няради криже-

вацкій и др. Єодан Луцкій гр. каѳ. епископы. Отвѣчательный редактор нашей газеты познакомив „Благовѣстник“ всѣми членами създу, из которых многи предпали, епископы и сам архіепископ Оломуцкій др. Стоян пообѣдали так моральную и материальную помоч и всѣм без исключенія даже поподобалася она, як хороший борец вѣры Христовой, духовная газета Подкарпатских Русинов. Сим способом Благовѣстник пріобрѣв широку извѣстность и в всѣх кутах свѣта голосити може, что ся дѣе на Подк. Руси и якими безчестными средствами ширить ся меже богобойными христіянами безвѣріе и діяволска шизма Фотія.

— **Нова пѣсня.** В Мараморошѣ в декотryх селах люде уже такѣ пѣсни спѣвають: Пошов я посвятити ся до Белграду,

Найшов я пак дурну громаду,
Даютми тристо вѣки пшеницѣ,
Половина менѣ, половина буде
владицѣ.

ПЕРЕПИСКИ РЕДАКЦІИ.

Наша газета из техничних причин только тепер, с великом опоздненiem могла ся появити.

И. Голебан. Ваша прекрасна и что головное, дуже потребна думка, в близкой будучности здѣйсниться. Теперь текуть переговоры с нашими братями чехами, словаками и югославянами в дѣлѣ одной спольной организаціи обороны вѣры. Для Подк. Руси в Ужгородѣ буде центральная канцелярія, котра в связи с заграницными братями єнергичну борьбу буде вести против несправедливостей лютых шизматиков. Каждый кто має еще пятки вѣры в своем сердцѣ, должен выняти свою участъ из сей борьбы за вѣру Христову.

Книгопечатня Акційного Товариства „Уніо“ в Ужгородѣ.